

Na osnovu potpisanih Sporazuma i izražene spremnosti za formiranje i registrovanje krovne/državne organizacije radioamatera u Bosni i Hercegovini, prisutni predstavnici

- Zajednice radioamatera Herceg Bosne (ZRHB),
- Saveza radioamatera Republike Srpske (SRRS),
- Asocijacije radioamatera u Bosni i Hercegovini (ARA u BIH)

na zajedničkoj Sjednici održanoj dana, 06.10.2019. godine u Trebinju, donose sljedeću

ODLUKU

O osnivanju Unije radioamaterskih Saveza u Bosni i Hercegovini

Član 1.

Ovom Odlukom tri pravna subjekta koja djeluju kao radioamaterske organizacije u Bosni i Hercegovini i to:

- Zajednica radioamatera Herceg Bosne (ZRHB) sa sjedištem u Mostaru
- Savez radioamatera Republike Srpske (SRRS) sa sjedištem u Trebinju
- Asocijacija radioamatera u Bosni i Hercegovini (ARA U BIH) sa sjedištem u Sarajevu

osnivaju Uniju radioamaterskih Saveza u Bosni i Hercegovini sa sjedištem u Sarajevu.

Suosnivači Uniju radioamaterskih Saveza u Bosni i Hercegovini su samostalni klubovi koji imaju preko 150 članova.

Član 2.

Usaglašen naziv organizacije radioamatera u Bosne i Hercegovine je:

UNIJA RADIOAMATRSKIH SAVEZA U BOSNI I HERCEGOVINI

Skraćeni naziv Unije radioamaterskih saveza u Bosne i Hercegovine je: **URSBIH**

Član 3.

Sjedište Unije radioamaterskih Saveza u Bosni i Hercegovini je u Sarajevu, ulica Derviša Numića 6, 71000 Sarajevo, PO BOX 61.

Član 4.

Cilj i zadatak Unije radioamaterskih Saveza u Bosni i Hercegovini je da:

- Zastupa usaglašene interese svojih Osnivača i radioamatera u cijeloj Bosni i Hercegovini, prema Međunarodnoj Uniji radioamaterskih organizacija (IARU) i Regulatornoj agenciji za komunikacije Bosne i Hercegovine, ravnomjerno za svaku od članica bez favorizovanja,
- Aktivno učestvuje kod izrade prijedloga i donošenja Zakonskih akata i Pravilnika koji se odnose na radioamatersku djelatnost u Bosni i Hercegovini,
- Usklađuje Pravilnike i programske sadržaje koji regulišu polaganje ispita za sticanje radio-amaterskog zvanja,
- Pozitivno djeluje na razvoj i unapređenje radioamaterske tehničke kulture, podstiče razvijanje humanitarnih, civilizacijskih i humanih aktivnosti u mirnodopskim kao i u vanrednim okolnostima,
- Formira zajedničke takmičarske Timove za Evropska i Svjetska takmičenja (HQ, ARG..)
- Organizuje radioamaterske susrete na nivou Bosne i Hercegovine,
- Saraduje sa nevladinim organizacijama i odgovarajućim državnim organima i organizacijama u oblasti obrazovanja, telekomunikacija i privrede na zadacima i pitanjima od interesa za razvoj ukupne tehničke kulture,
- Zaštita radio amaterskog spektra frekvencija na primarnoj i sekundarnoj osnovi usaglašene sa WRC i CEPT,
- Usklađivanje sa postojećim Pravilnicima i Odlukama koji Savezi/Zajednice/Asocijacije već posjeduju i primjenjuju, a tiču se načina djelovanja Radio mreže za opasnost (RMZO) na čitavoj teritoriji Bosne i Hercegovine, uz edukaciju zajedno sa Upravama Civilne zaštite oba entiteta,
- Kontrolisati i finansirati rad QSL biroa E7,
- Aktivno apliciranje u međunarodne projekte koji su vezani za radioamatersku oblast,
- Redovno informisanje javnosti o aktivnostima i značaju radioamatera u Bosni i Hercegovini,
- Izrada i administracija web sajta Unije.

Sve odluke moraju biti donesene isključivo konsezusom.

Svi ostali poslovi, unutrašnje relacije, zakonske obaveze koje su regulisane internim aktima Saveza/Asocijacije/Zajednice radioamatera, kao i obaveze koje imaju na entitetskom nivou i dalje ostaju u nadležnosti i funkcionisanju Saveza/Asocijacija/Zajednica radioamatera u entitetima u kojima rade i djeluju.

Član 5.

Ovom Odlukom imenuje se koordinaciono tijelo za organizovanje izrade Prijedloga i potrebnih akata kao i organizaciju Osnivačke Skupštine i to:

1. Miroslav Nikše, predsjednik Zajednice radioamatera Herceg Bosne (ZRHB),
2. Slobodan Prtilo, predsjednik Saveza radioamatera Republike Srpske (SRRS) i
3. Mesud Fazlagić, predsjednik Asocijacije radioamatera u Bosni i Hercegovini (ARA u BiH)

Na svim sastancima, sjednicama i skupštinama na kojima prisustvuju predsjednici tri radioamaterske organizacije koje djeluju u Bosni i Hercegovini (ZRHB, SRRS i ARA u BiH), po automatizmu prisustvuju i sekretari Saveza/Zajednica/Asocijacije.

Član 6.

Ova Odluka stupa na snagu danom donošenja.

Potpisnicu su saglasni da je sa danom donošenja ove Odluke usaglašeno tijelo URSBIH budući predstavnik prema institucijama Bosne i Hercegovine do registracije kod nadležnog Ministarstva.

Rok za Izbornu Skupštinu URSBIH i registraciju Unije radioamaterskih Saveza u Bosni i Hercegovini kod nadležnog Ministarstva pravde BiH je šest mjeseci.

Ovlašteni predstavnici Osnivača:

Potpisi i pečati:


Zajednica radioamatera Herceg Bosne (ZRHB)





Miroslav Nikše E79A


Savez radioamatera Republike Srpske (SRRS)





Slobodan Prtilo E73DR

Asocijacija radioamatera u Bosni i Hercegovini (ARA u BiH)




Mesud Fazlagić E75FM

Zapisničar:


Jovica Khežević E73JO

U Trebinju, 06.10.2019. godine

